

**TEZAUUR LITURGIC**  
**18 SEPTEMBRIE**

**ACATISTUL**  
**SF. CUVIOS**  
**ILARION**  
**PONOMAREV**  
**DE LA OPTINA**  
**I**



**MOSCOVA, 2000**



# Акафист Преподобному и Богоносному отцу нашему Илариону Оптинскому

## Кондак 1

Избранный от суетного жития сего к крестному пути делания монашеского, преподобне отче Иларионе, воистину благодати старчества светильник явился еси, всем приходящим к тебе и молитвенной помощи твоея просящим утешение быв, подвизая всех верных воспевати тебе:

Радуйся, преподобне Иларионе, оптинския обители украшение!

## Икос 1

Ангельского монашеского жития всем сердцем взыскал еси, преподобне отче Иларионе, всю жизнь свою, как дар совершен, Творцу своему принося. Сего ради не только славный делатель молитвенного подвига, но доблий учитель и старец совершенный явился еси, всех к Богу приводя и заставляя верных вопити тебе:

Радуйся, монашеского подвига делателю преизрядный,

Радуйся, наставниче предивный.

Радуйся, всех обращающихся к тебе скорый помощниче,  
Радуйся, всех недоумевающих в различных обстоятельствах вразумление.  
Радуйся, преподобне Иларионе, оптинския обители украшение!

### **Кондак 2**

Видя мати твоя твое к Богу стремление и благочестие изрядное, ещё в младенчестве сосуд благодати в тебе прозревая, пророчески тесный путь монашеского жития тебе предрекла еси, вопия о тебе Богу: Аллилуйя!

### **Икос 2**

Разум Богови покорил еси, всем житием своим Апостолу Павлу подражая, темже в миру ещё славный проповедник Православия явился еси, архиерею богоспасаемого града Саратова верный помощник быв, делом, словом и самим житием своим Православие на земле Саратовской утверждая, ереси искореняя, расколы обличая, заблудших увещевая и вразумляя, заставляя верных взывать тебе:  
Радуйся, проповедниче Православия преизрядный, радуйся, славный провозвестниче Истины.  
Радуйся, суеверий и заблуждений обличение,  
Радуйся, Православия в земле Саратовской

утверждение.

Радуйся, преподобне Иларионе, оптинския обители украшение!

### **Кондак 3**

Силою Божественною Истину Православия в земле Саратовской утверждая, сам явился столп и утверждение Истины, всех к Свету Православия призывая, подвигал вопити Богу: Аллилуйя!

### **Икос 3**

Имея воистину в сердце своем учительства и просветительства дар, не токмо всем верным утешение был еси, но и неверных – раскольников, еретиков, последователей лютеранской ереси и иудеев в Православие обращая, всех к познанию полноты евангельской Истины приводил еси. Сего ради вопием ти сице:

Радуйся, заблуждений от истинного Пути обличителю,

Радуйся, ересей и расколов искоренителю,

Радуйся, тьму раскольников к Свету

Православия обративый,

Радуйся, столп и утверждение Церкви в земле Саратовской бывый.

Радуйся, преподобне Иларионе, оптинския обители украшение!

### **Кондак 4**

Бурю страстей, плотию и диаволом  
воздвигаемую, добре введуще, преподобне отче  
Иларионе, всем сердцем своим тесного пути  
монашеского жития взыскал еси. Сего ради в  
Оптинскую обитель притекл еси, всего себя в  
руки Богу и властям, от него поставленным,  
предавая, от всея души вопия Подателю благ:  
Аллилуйя!

### **Икос 4**

Слышаша глас Господень, яко Царствие  
небесное нудится и не может человек двумя  
господином работати, а единому точию, всем  
сердцем своим от мирских привязанностей  
отрекся еси. Сего ради мы, грешнии, вопием ти:  
Радуйся, всех мирских пристрастий всеконечно  
отвергшийся,  
Радуйся, благое иго Христово благочестно  
понесый.  
Радуйся, старчества удобрение,  
Радуйся, монашества похвало.  
Радуйся, преподобне Иларионе, оптинския  
обители украшение!

### **Кондак 5**

Свет Христов, просвещающий всех, обильно в  
тебе воссия, преподобне отче Иларионе. Тесным  
путем делания монашеского всеусердно

шествуя, благое иго Христово подъял еси, все заповеди Христовы житием своим исполняя. Сего ради вопием о тебе Богу: Аллилуйя!

### **Икос 5**

Всех приходящих к тебе сокровенныя таинственно прозревал еси, каеждога грехи и немощи ведая, преподобне старче Иларионе, чудный целитель недугов душевных и телесных явился еси, к покаянию всех приводя и подвизая Врачу душ и телес тайныя своя исповедать. Сего ради Владыка научи нас зывати тебе тако:

Радуйся, всех сокровенных душевных устроений тайнозрителю,

Радуйся, недугов душевных и телесных изрядный целителю,

Радуйся, тайных грехов и нестроений обличителю,

Радуйся, приводяй всех к покаянию.

Радуйся, преподобне Иларионе, оптинския обители украшение!

### **Кондак 6**

Всем приходящим и к тебе обращающимся славный помощник и предстоятель пред Богом был еси, о всех страждущих непрестанную молитву к Творцу всех вознося. Темже и апостольский наказ исполнил еси, не своего

блага, а пользы ближних ища. Сего ради слышиши от всех: Аллилуйя!

### **Икос 6**

Возсия свет любви Божественная в светлой душе твоей, преподобне отче Иларионе. По слову Апостола воистину всем вся был еси, да многих ко Христу приведеш. Сего ради воистину пастырь добрый явился еси, Пастырю всех подражая. Сего ради ублажаем тя похвалами сими:

Радуйся, отче дивный и милостивый,

Радуйся, яко за овцы своя воистину душу полагал еси,

Радуйся, всех верных ко Христу приводяй,

Радуйся, премудрый учителю заповедей Христовых.

Радуйся, преподобне Иларионе, оптинския обители украшение!

### **Кондак 7**

Хотя всем человекам спастися и в разум Истины прийти, Творец всех к многотрудному деланию старческому призва тя, преславный отче Иларионе, да, познав пути Божии, овцы своя ко Христу приведеш и научиши Богу верно воспевати: Аллилуйя!

## **Икос 7**

Добра наставника тя разумеем, преподобне отче Иларионе, яко, сам заповеди Господни делом исполнив, паче книжник премудр быв, всех приходящих к тебе чудно вразумлял еси, да уразумеют чудеса от Закона Господня, покаянием недуги человеческия врачуя. Сего ради все просвещенные тобою вопиют ти: Радуйся, чудес Господних тайнозрителю, Радуйся, покаяния проповедниче преизрядный, Радуйся, силою Господней недуги человеческие исцеляй, Радуйся, тайны исповеди совершителю благоговейнейший. Радуйся, преподобне Иларионе, оптинския обители украшение!

## **Кондак 8**

Странное чудо Врачу душ и телес всех на тебе явил еси: како, таинство исповеди усердно совершая и грехи забытыя приходящия к тебе вспоминать подвизая, от демонского мучения, страшных недугов душевных и телесных и злых житейских обстояний людей свободдал еси, заставляя их вопити Богу: Аллилуйя!

## **Икос 8**

Всякий душепагубный грех вседушно отвергал еси, премудре отче Иларионе, и всех

приходящих к тебе тому же научал еси, всегубительную силу отступления от заповедей Божиих чудно нам показуя. Сего ради и жену, безумно грех на исповеди утаившую, тайно обличая, к великому старцу Амвросию направил еси, смиренномудрие свое показуя. Тот же, ведая лукавство ея, обратно к Иллариону отправил еси, тем вразумляя и к покаянию грешницу подвизая. Тако оба тайно премудро обличили ея. Дивясь премудрости вашей, вопием ти тако:

Радуйся, духовное единение с дивным старцем Амвросием показавый,  
Радуйся, не желавый грешницу обличити, к тому смиренномудренно ее направивый,  
Радуйся, сокровенныя сердца прозревавый,  
Радуйся, приводяй всех к покаянию.  
Радуйся, преподобне Иларионе, оптинския обители украшение!

### **Кондак 9**

Всяких болезней целитель воистину явился еси, богомудре отче Илларионе, покаянием, силой Божией и молитвой к Пречистой всякий недуг исцеляя. Сего ради и кончина честного жития твоего в день памяти иконы Богородицы «Целительница» совершися, чудного целителя и почитателя Богоматери воистину тя знаменуя. Сего ради вопием о тебе Богу: Аллилуйя!

## **Икос 9**

Ветия суемудренныя суетного века сего недоумеют, како возможно сие: не изучив земное искусство врачества, дивный целитель недугов душевных и телесных явился еси, иже никак не могли самые искусные лекари исцелити. Мы же, ведая силу благодати Божией, чрез тебя дивно действующей, премудро тя восхваляем:

Радуйся, болезней душевных и телесных исцелителю,

Радуйся, страшной разрушительной силы греха, на плоть и душу нашу действующей, тайнозртелю,

Радуйся, приводящий нас к врачеству покаяния,

Радуйся, душепагубных учений века сего о душе человеческой обличителю.

Радуйся, преподобне Иларионе, оптинския обители украшение!

## **Кондак 10**

Спасти хотя душу, в обитель оптинскую чудно вселился еси, премудре отче Илларионе. Темже не токмо о своей, но и о спасении чужих душ радеть изрядный был еси. Сего ради вопием о тебе непрестанно: Аллилуйя!

## **Икос 10**

Стена еси похваляющим, преподобне отче, чудное заступление твое, яко не токмо от болезней душевных и телесных, но и всякого обстояния и нужд различных обращающихся к тебе свобождал еси. Сего ради и жену, иже в честном браке семь и десять лет не могущей родити, к мощам великих угодников, иже в Оптиной обители почитаются, воронежских Митрофана и Тихона направил еси и чудное рождение чада той возвестил еси. Сего ради, видя дивныя знамения помощи твоея, восхваляем тя тако:

Радуйся, во всяких обстояниях помощниче предобрый,  
Радуйся, заступниче пред Богом предивный,  
Радуйся, молитвенниче наш преизрядный,  
Радуйся, во всех нуждах прибежище.  
Радуйся, преподобне Иларионе, оптинския обители украшение!

## **Кондак 11**

Песнь тебе подобает воистину с небесе воспевати, а не от земли, преподобне отче Иларионе: како, во всем нам подобен земной человек быв, в обитель оптинскую душу свою устроив, тамо небесно пожил еси, к небесам всех нас путеводя. Сего ради слышиши от всех: Аллилуйя!

## **Икос 11**

Свтозарному лучу подобно житие твое,  
преподобне Илларионе, дивный наставниче  
монахов и чудный собеседниче Ангелов,  
воистину бо земный Ангел и небесный человек  
явился еси. Сего ради, ныне на небесах Творцу  
Небес предстоя, прими от нас похвалы сия:  
Радуйся, дар непрестанной молитвы стяжавый,  
Радуйся, все в житии твоём приключавшееся  
ради Господа претерпевый,  
Радуйся, собору святых оптинских старцев  
причтенный,  
Радуйся, благодати их сопричастниче.  
Радуйся, преподобне Илларионе, оптинския  
обители украшение!

## **Кондак 12**

Благодати дар обильно в тебе явив, преподобне  
отче Илларионе, всех даров Податель чудного  
молитвенника нам в тебе показа, всех нас  
научая прибегати к тебе, заступниче наш  
добрый. Милости ради таковой мы вопием Ему:  
Аллилуйя!

## **Икос 12**

Поющее ныне славное житие твое, оптинский  
светильниче и заступниче наш Илларионе,  
разумеем, яко не только словесы взыскуеши, но  
и жития нашего исправления, покаяния и

житию твоему подражания. Мы же, немощь свою разумеюще и твоей молитвенной помощи и славного заступления от тебя улучшить чающе, глаголем ти непрестанно:

Радуйся, во всех недоумениях чудное вразумление,

Радуйся, от всех бед и злых приключений спасение,

Радуйся, делателю духовного вертограда предивный,

Радуйся, всем хотящим идти путем спасения путеводителю доблий и мудрый.

Радуйся, преподобне Иларионе, оптинския обители украшение!

### **Кондак 13**

О, чудный угодниче Христов и во всем благой помощниче предивный старче Иларионе, оптинския обители украшение и всея Руси похвало! Нынешнее наше моление прими и к престолу Всемогущего Творца принеси, испроси нам грешным спасение и во всем благое поспешение, да твоим молитвенным заступлением и чудным во всем вразумлением сподобимся время жития сего без порока прейти и достигнути селений райских, идеже с тобой и всеми святыми непрестанно воспевати Богу: Аллилуйя!

Сей кондак глаголи трижды, затем икос 1 и кондак 1

### **Молитва**

О, священная главо, преподобне и богоносне отче наш Иларионе, оптинския обители украшение и саратовския земли похвало! Ты во дни земного жития своего никого же приходящего к тебе отреявая, но всем вся во благо бысть видение лица твоего и общение с тобою: страждущим бо явился помощник, скорбящим утешитель, ищущим Истины во всём учителю преизрядный. К сим же и дар во всяких недоуменных обстоятельствах вразумления, во всём благого научения и телесных и душевных недугов врачевателя обильно в тебе явился.

Ныне, на не небесех Владыке всех предстоя и в почтенном Соборе всех оптинских старцев светло торжествуя, душа твоя светло веселится. Обаче, аще светлая душа твоя ныне на небесех предстоит, однако рака мощей твоих ныне с нами пребывает, яко источник благодати многотекущий. К сим же и молитвами твоими, святой отче, в славной обители Оптиной ныне пребываеши, в ней же славно в житии своем подвизался еси.

Сего ради молим тя: ей, отче святой! Не оставляй нас, грешных, своим славным ходатайством у Христа Бога нашего. Будь

каеждому во всяком деле благе помощник преизрядный и во всяком добром начинании молитвами твоими споспешествуй. Сохрани нас от лукавых соблазнов суетного века сего, иже тщатся дух истенней веры в стране нашей истребити и духом льстивых учений народ наш от истины отвратити. Будь нам воистину пастырь добрый и учителю преизрядный, наставляя нас в истине Православия непреткновенно ходити и верными чадами Православныя Церкви быти. Сохрани страну нашу и народ наш от всякого злого обстояния, врагами Церкви Христовой возвизаемого. Како и во дни земного жития твоего, буди всем вся: падающий воздвизай, малодушных утешай, немощных укрепляй, неразумных и увлекшихся лживыми учениями века сего от лжи отвращай и на путь Истины наставляй.

Наипаче же в час кончины нашея споспешествуй нам на горьких мытарствах наших, да безпреткновенно прейдём от земли на небо и тамо со всеми святыми прославим Творца и Бога нашего Господа Иисуса Христа с Пречистою Его Матерью и со всеми святыми во веки веков. Аминь.